

阿文成公年譜

阿文成公年譜卷六

受業

王 昶 勘定

第三孫那彥成恭纂

盧蔭溥增脩

乾隆三十六年

十二月初四日

諭曰董天弼在甲金達山梁逗留不進調度乖方已有旨革去提督畱於軍營効力贖罪所有提督員缺卽令阿桂署理將董天弼交阿桂差委至甲金達一路距美諾不遠且爲援解達木巴宗最要之處攻剿不宜稍緩阿

附方公全言
桂奉到諭旨迅卽馳赴甲金達軍營接印任事督兵速
往解圍前此鄂克什土司曾遣其弟投稟俟官兵一到
卽行向外夾擊其勢自易阿桂務須努力爲之

二十四日

公偕溫福五岱奏言查貴州官兵於本月初十日
內到齊大礮亦已鑄成臣等商定十二日夜不令

賊人知覺派兵交待衛三達爾烏什哈達巴三泰
哈薩爾圖佛倫泰伊里布章京佛進泰等令其佔
據右邊山梁攻奪賊人卡座又派章京瑚尼爾圖
等令其佔據左邊山頂又令侍衛廣音素彰需翹

蘇爾額森特阿爾素納海祿鄂爾霍善章嘉布章
京丕亨保彥泰等管領滿洲官兵總兵馬彪及副
將富紳遊擊成德等管領貴州兵丁合力攻取山
頂礮卡臣等隨後接應其餘四川綠營仍令總兵
和邦額福昌帶領在後又派侍衛明仁新達蘇前
鋒叅領官達色等攜帶新鑄大礮轟打賊人礮卡
當經派定前進其奪據兩邊山頂之官兵乘夜上
山將賊人十數處石砌攔牆全行攻克牆內所有
賊人俱行殺死攻取山頂礮卡之兵亦至巴朗拉
最高嶺下按隊排列官達色明仁新達蘇等一面

放礮攻打賊人礮卡施放烏鎗前進十三日巳刻官兵奮勇上前先圍住大礮一座攻至天晚未能摧毀圍守一夜至十四日黎明又令兵丁施放鎗礮轟打攻至午後兵丁憤怒奮力衝抵其下不避鎗石或竟拆礮根或攀上礮頂礮內賊人全行殺死並將大礮相連之石牆全行奪佔因天已晚臣等嚴督官兵復將賊人礮卡分頭圍困至十五日各隊官兵一擁上前奮勇攻打所有大礮六座小礮兩座又山頂石牆一處全行克取此次打仗計殲戮賊人數百名拏獲十二名卽行正法所得鎗

刀等物俱賞出力兵丁再巴朗拉係緊要隘口一切糧餉鉛藥等項俱由此路運送已派令四川兵四百名駐守臣等俟搜捕逃匿賊人完竣卽進兵直取達木巴宗奏入

諭曰此次大臣官員兵丁奮勇出力宜沛恩施以示鼓勵溫福著賞給小荷包一對五岱著賞給小荷包三箇阿桂著賞給小荷包一對

公偕溫福又奏言臣等欽奉

上諭查巴朗拉一路離美諾一百四五十里較之約咱轉爲稍近且控扼賊匪咽喉並可迅解達木巴宗之

圍茲貴州兵三千名業已全到大礮亦經鑄成審

度事機難以稍爲延緩臣溫福臣阿桂領兵雖分

兩路而辦事實祇一心當此軍務緊要之時或分

或合惟有一意併力相度機宜無論赴救達木巴

宗與直搗美諾總期臨時悉心酌辦俾得迅速蕨

事以仰副

皇上委任期望之至意至川省各營兵內松潘建昌二鎮

之兵漢仗尚好未嘗不可振作其餘各鎮兵丁本

多異懦而技藝生疎者甚多皆由平日不能訓練

自鎮將以至千把亦乏能事勇練之員爲之督勵

實屬廢弛已久容臣阿桂申嚴紀律竭力整頓以
期行伍起色奏入

諭曰巴朗拉一路原係賊人緊要咽喉今既得其山梁礪
卡已據扼要之勢由此乘勝進攻易如破竹據稱巴朗
拉至美諾計程一百四五十里若可從此徑趨美諾賊
巢擒獲僧格桑則達木巴宗之圍不攻自解前諭阿桂
卽赴甲金達原因趨解達木巴宗之圍今已得巴朗拉
便當從此直入以搗穴擒渠爲急務阿桂自應隨溫福
進剿合力蒞事

二十七日

公偕溫福奏言臣等於本月十三四五六日攻克

巴朗拉將賊人險要礮卡拆毀派兵搜捕獲賊數

名均已正法臣等次日起程行過巴朗拉山梁道

路冰滑前抵松林口有礮卡數座賊先遁去又次

日帶兵前抵日隆宗賊亦望風逃竄所有日隆宗

寨內沃克什番衆六名賊於臨去時殺死五人僅

有阿瓊一名臨時逃出臣等詳加詢問據供本月

十四日早間聞小金川頭目七圖安堵爾使人傳

說大兵攻打巴朗拉若巴朗拉失守松林口日隆

宗斷難守禦汝等應即移往資哩是日又聞傳說

甲金達提督大兵又從蒲松岡一路抄來小金川兵已逃一半就要進至達木巴宗對面十五日又見畢旺拉德爾密守卡賊人因巴朗拉已破退回其守日隆宗之頭人魯勒爾卽帶賊衆竄去等語臣等正在審辦間所有跟隨常保柱董天弼之侍衛哈爾九等從達木巴宗來至日隆宗稱董天弼等於本月初八日由蒲松岡小路進兵十四日早抵達木巴宗賊人卽來接仗官兵獲勝賊人於是日逃竄救出沃克什土司並攻得木耳宗等語是晚沃克什土司來見稱土司懦弱無能爲僧格桑

欺凌佔據各寨並圍達木巴宗寨內現存三百餘人僧格桑屢次逼降土司因思世受

天恩斷不肯爲其所屬今糧已盡大兵垂救餘生世世

感戴等語

臣

等諭以僧格桑侵擾爾境並敢抗拒

大兵實爲罪大惡極爾能堅守數日實屬可嘉現在官兵已將爾各土境克復爾當招集百姓令乘時耕種加意撫綏並宜安分毋釀事端至爾地方百姓不忍再派出兵惟派熟識道路之人十數名以供隨營差遣該土司聞言叩謝去訖臣等又於次日前抵達木巴宗色達克拉將從前被圍時打

仗擒獲賊人及此次突圍夾擊所獲一同獻出臣
等並將沿途所獲賊衆共二十名逐一嚴訊錄取
供詞進呈外卽將各犯悉行正法其自巴朗拉至
達木巴宗舊有寨落百餘處俱交該土司收管至
臣阿桂仰蒙

恩命署理提督印務茲董天弼已抵達木巴宗臣阿桂
卽行接印任事現將該營一切事宜竭力整頓卽
與臣溫福併力進勦奏入

諭曰兩路官兵會合正當乘勝進攻務擒僧格桑以完此
事速待捷音之至

公偕溫福又奏言臣等於十八日抵達木巴宗親往土司寨內察看情形該土司率其妻子及大小頭人百姓跪迎並稱此次蒙

大皇帝天恩發兵就援得以再生亦賴被圍之先有官兵土練及從前存留糧石土司始能與洪把總等協力堅守至今等語臣等卽傳把總洪廷瑞備詢半年有餘情事據稱把總於本年四月內派赴達木巴宗坐汛該處有綠營兵二十名又有土千總阿吉土外委德爾什雍忠帶領土練二百名駐守六月初五日半夜有小金川一千多人將達木巴宗

圍住又截斷城外水卡土舍雅滿塔爾向把總借
土練一百名并鄂克什百姓同阿吉德爾什雍忠
出寨打仗奪回水卡並擒獲二十八人午後又打
仗二次擒獲六人一同收繫地窖後因無米給食
陸續餓死現在只剩三人小金川見雅滿塔爾勇
幹恐其衝突因於東西北三面脩卡四十九座南
面對河又築起木城長有半里圍定達木巴宗常
用鎗礮攻打土司被圍之後糧食短少卽向把總
告借官兵所貯口糧把總因係官物不敢就給後
察看光景如果不給便有不能固守之勢遂每月

給米三十石以資食用至十一月初七日口糧已盡把總無奈轉向土司借糧第一次土司借與官兵每人一斗至二十一日食盡土司又向番民借得雜糧每人八升至十二月初三日又盡復向百姓湊借雜糧並酒糟苡殼每人不及三升十二月初九日以後合寨糧食俱盡只煮牛皮度日把總記憶十一月二十三日接到雅滿達爾回信寨中上下人等始知救兵將至心都安定十二月十三日夜望見東南山角上有火光十四日辰刻聽見鎗礮少頃見山頂上有官兵而小金川賊人亦在

半山拒敵把總同土司派出土弁土兵開寨接應
與賊人打仗殲斃數十人並奪取礮位刀矛等物
山上官兵望見知有接應兩下夾攻賊人滾山逃
走官兵就近進寨等語臣等復傳阿吉等詢問所
供相符查洪廷瑞以微末弁員能與土司併力固
守至六七月之久瀕死不懈實屬可嘉現有松潘
鎮右營千總員缺臣等卽以洪廷瑞陞補以示獎
勵其土千總阿吉土外委德爾什雍忠俱係番人
能明大義臣等亦酌給阿吉土守備職銜德爾什
雍忠土把總職銜庶使邊徼遠人共知觀感至所

駐達木巴宗綠營兵二十名現存十八名土練
百名現存一百四十九名該兵等久經被困窘苦
疲瘦不堪畱於軍營無益臣等酌賞盤費令其各
回本營本處入伍寧家再查土司地方蹂躪之後
流亡甚衆不但所屬番人已多餓斃卽土司家屬
亦口食不周情形實爲可憫臣等量賞該土司數
日口糧又飭藩司會同松茂道速卽詳議借給籽
糧俾得趕種春田漸復舊業奏入報

聞

三十七年壬辰五十六歲

正月初二日

公偕溫福五岱奏言臣等克取巴朗拉之後直抵

達木巴宗賊衆惶懼退守資哩等處臣等將達木

巴宗之事略爲經理卽派兵一千登北邊山梁又

派兵一千登南邊山梁俱於十九日黎明佔據最

高之處臣等率領大隊前進約行十里許將賊人

所據之橋攻開前進惟是兩旁之山賊俱建礮堅

守山坡溝口亦連建石卡每處約五六座不等又

有大礮六座排列於仄路之間約有賊數百人踞

險拒守我兵施放鎗礮攻至二十日辰刻已將礮

外賊人全行擊斃賊惟堅守碉座迎面放鎗以相抗拒而兩旁登山官兵隨時所過碉卡攻取凡林箐埋伏之賊亦俱勦殺併縱火焚燬石碉六七座賊人事急來衝俱被我兵殺死餘賊敗走竄入碉內第我兵自十二日攻取巴朗拉以來共閱九晝夜並未休息兵力不無疲乏而自巴朗拉所裹白糧亦將不繼若再嚴催攻取碉座恐致多損兵丁臣等即將所得碉座盡行拆毀仍派官兵作進攻之勢使賊擾亂驚懼一面飛催口糧一面遣人各處探路以圖一舉集事奏入

上嘉之

初九日

公偕溫福五岱奏言臣等自到達木巴宗後乘勝前進業經攻取橋梁礮卡嗣遣人探路回來告稱現在我兵所據之橋其北山後相近別斯滿地方可以繞通資哩但山大路險稍覺紆遠又橋南大山亦有一路可通資哩名瑪爾瓦爾濟但林木甚密溝澗亦多等語臣等思若派官兵由此二路繞過賊人據守之斯底葉安而大兵又由正路進攻三路夾擊似更得力二十五日晚派令總兵馬彪

侍衛額森特等帶兵前往由北邊大山前進總兵
牛天昇侍衛阿爾蘇拉等帶兵由南邊大山瑪爾
瓦爾濟前進臣等帶領官兵由中路進攻是日臣
等且戰且行將南北兩山及山溝山口所有碉卡
盡行攻克進至斯底葉安山口甚窄兩旁俱係陡
壁賊碉正當路中又於碉旁山上築卡斷路嚴密
防守因派侍衛翹蘇爾哈薩爾圖彰嘉布瑚尼爾
圖等攻取兩山邊所有碉卡臣等令委署翼長官
達色侍衛明仁等用新鑄大礮轟擊碉樓至十九
日已刻盡行攻破賊衆除斃之外餘皆逃竄大

兵前過斯底葉安將附近地方分兵搜捕現在已至資哩其派往北山一路之官兵等盡克一路碉卡見山頂約有四百餘賊當即殺死百餘遂於資哩會合其派往南山一路之官兵行至山頂見山梁上有木卡十座賊衆約有六百餘人我兵攻破頭卡賊卽退入二卡至夜潛出搶奪我兵連戰三晝夜盡得木卡十座斃賊甚多二十九日亦於資哩會合現在乘勝而進賊人紛紛逃竄盡入資哩寨內固守已經三面圍困查三路兵丁自二十五日至二十九日五日四夜攻取賊人碉卡共百餘

座殺賊二三百名此次打仗瓦寺木坪土兵皆能奮勉出力今自資哩至美諾一路雖尚有木蘭壩鄂克什舊寨及路頂宗蒙固等寨但賊衆不過依恃山高礮險一處既失又退守一處抵死支延臣等當鼓勵官兵攻破資哩迅抵美諾奏入

諭曰溫福阿桂等分遣官兵二路夾擊破礮殺賊殊屬可嘉

十五日

公偕溫福奏言臣等查賊人所恃惟在礮卡用力攻撲不免傷損官兵故尋覓捷徑登山繞行最爲

上策但此一帶地方步步皆山處處險仄一綫羊腸之外不能盡有旁路可通賊匪奸惡必於險要處所多築碉卡如臣等前在巴朗拉卽探有水晶灣小路可以繞過賊碉緣該處積雪甚深未經由此進剿及既得巴朗拉後經過山陰察看形勢水晶灣所經之路必由賊碉之下當時果取道於此不但官兵必致傷損且恐爲賊所截進退皆難臣等自抵達木巴宗屢經探訪捷徑如達木巴宗以南之瑪爾瓦爾濟以北之別斯滿皆有小徑可通資哩然均係懸崖狹徑僅容一人山勢陡峻兼之

冰雪凝凍賊又處處設立礮卡以備抵禦此次分
兵三路攻得葉抵斯安一帶堅礮進攻資哩實皆
仰賴

天威官兵縋崖梯嶺晝夜力攻始得至此且詢之鄂克什
番衆皆稱自達木巴宗以西礮卡均經小金川增
多脩固全非鄂克什之舊又稱因乾隆十二三年
攻勦金川每用大礮摧擊石礮近年於礮內排紮
木植貼護石牆使礮子不能直透雙層今由資哩
至美諾雖不過數十里但中經木闌壩鄂克什舊
寨及路頂宗蒙固等寨多有堅礮去賊巢愈近則

賊會自衛其死防守愈嚴勢須逐節進攻未免多
煩兵力再查軍營礮位若鑄造三四千觔大礮山
路崎嶇斷難運送且非二十日不能鑄成一位故
現在鑄用之礮不過七八百觔每攻一礮必須用
數百礮俟將次殘破然後官兵奮力擁上賊人或
逃或殺始不能守臣等揆度情形須至圖因美諾
時方可就地鑄造三四千觔大礮以資轟擊之用
奏入

諭曰賊巢愈近防守愈嚴此是必然之勢但當鼓勵前進
斷無畏難中止之理也

公偕溫福五岱又奏言臣等督兵圍困資哩寨落
日夜進攻其南北兩山有賊千餘人於險峻處建
益卡座抗拒官兵而資哩賊人皆竄入寨內藏匿
不出看來此寨不過百十餘間中有二十餘丈高
礮一座四面有十餘丈高礮四座寨落四圍皆砌
石牆石牆之上有小礮總卡賊人從礮孔中施放
鎗礮官兵自去歲十二月二十九日起連攻七晝
夜礮卡已摧毀大半而賊人連次來衝又皆被我
兵擊敗因其所踞險固仍舊抵死拒守臣等現在
晝夜攻勦由此至美諾地方雖不過五六十里而

阻於山路險峻礮卡堅固力不能施臣等深爲憤懣今將賊人各礮卡摧毀進攻不無稍需時日然各處搜捕一日之內總可殺死數賊看來賊鋒已挫必不能久持奏入

諭曰攻擊礮卡不至損傷官兵自是行兵之道然亦不可太遲我兵之力如何口糧軍器俱壯盛否

公偕溫福又奏言臣等前因巴朗拉山勢險隘是以於攻破之日酌留官兵四百名防守并將所有礮卡盡行拆毀但查巴朗拉之西自日隆宗以至達木巴宗各路可通最爲緊要如不得日隆宗以

至達木巴宗非但巴朗拉必須嚴兵駐守卽畢旺
拉德爾密等處以及在巴朗拉以內之鄧仍山山
神溝臥龍關根達橋均須防其抄截臣等一過巴
朗拉卽由日隆宗進抵達木巴宗所有畢旺拉德
爾密各路防守之賊俱先逃竄現在糧石鉛藥臺
站諸要務均以達木巴宗爲總漚之地賊番似不
能越過達木巴宗分兵截我後路惟是番地山徑
叢雜官兵旣奮力前進後路益當嚴密防範臣等
已於達木巴宗派令遊擊一員帶領川兵四百名
駐扎臣等攻近美諾再將畱駐官兵撤減其自巴

朗拉以東至汝川口水草坡地方約有十二三站
處處皆有存運官糧鉛藥臣等亦經酌量情形每
站派駐官兵二三十名至五六十名不等似不至
稍有疎虞再查逆酋竄入金川之路臣等檢閱地
圖並詢問從賊境脫出各番人言美諾以西在在
與金川接壤其間相通之處甚多而南路自章谷
以至約咱皆係兩金川連界處所桂林現由彼處
進兵自能留心堵截至臣等西路兵行所經尚係
鄂克什舊境在美諾之東惟期剋日盡復鄂克什
舊地迅搗美諾則一面圍困賊巢一面卽查探美

前少方公全言
卷二
三
諾以西與金川可通之路酌分官兵前往邀截使
逆會不至於漏網奏入報

聞

二十二日

公偕溫福五岱奏言

臣

等現在資哩圍住賊巢一

面派委識路之人各處察看路徑一面盡力轟摧
數日之間雖多毀壞但賊人礮卡俱係用石砌成
甚爲堅厚軍中礮位皆須酌量移運所鑄者止六
七百觔不能迅速摧殘日間場陷之處賊衆揣知
夜間放礮無準乘隙脩補且資哩地近美諾失此

要隘卽難以支拒大兵是以盡力死守今我兵所登南北兩山連絡二三十里分地日夜攻擊已十有餘日現在探路人回報達木巴宗對面迤南有本布爾桑岡一處過山卽可抵美諾又資哩北山之後由色布爾地方可繞至鄂克什官寨等語臣查本布爾桑岡卽與從前董天弼由甲金達所取牛廠地方相近後失牛廠未能復由此路其間有三大岡積雪嚴凝亦甚險要如能越此三岡順山前進不過三四日可至美諾今桂林已過卡了若由此派兵進剿已近桂林進兵之路一同攻取美

諾亦覺得力至色布色爾在北山之後深林密箐
險狹難行若由此路繞行可至鄂克什官寨但
等現在三面攻打資哩兵力僅足敷用並無餘兵
可由本布爾桑岡繞路前進查陝西兵一千名甘
肅兵一千名據報於本月十五日前後可到等
公同商議此項官兵不必俟到資哩預計其將抵
達木巴宗之日卽派巴圖魯侍衛章京等前往帶
領由本布爾桑岡一路前進其進色布色爾之兵
擬於北山官兵內酌量抽出臣五岱前往統領仍
督率餘剩之兵力攻資哩務期盡勦南北兩山之

賊直抵美諾又攻擊賊寨須用大礮臣等遣人將
向陽坪所存銅劬及應用物料趲運前來趕緊鑄
造庶爲得力奏入報

聞

二十二日

諭曰從前進勦金川經略傅恆由喀爾薩爾一路提督岳
鍾琪等由丹壩一路將來若須進勦金川仍當由此兩
路分進溫福桂林各統一路官兵犄角夾攻使賊左右
受困方可制其死命其中道路遠近險夷山川形勢阨
塞及作何彼此聯絡策應之處溫福等宜早爲畱心部

署務令胸有成竹以便臨時調度悉協機宜但賊番等
心性狡黠其探訪消息較內地尤爲便捷此旨祇應溫
福桂林阿桂等數人密爲籌度其餘軍營將弁等並不
宜令其豫聞以防洩漏

二月初二日

諭曰阿桂著授爲參贊大臣仍加恩將伊子阿迪斯阿彌
達寬免回京

又

諭曰五岱叅奏馬彪烏什哈達摺內密奏溫福自以爲是
不聽伊言以致衆兵寒心等語朕以溫福性躁一時不

能攻得資哩催促官兵前進以致衆兵寒心亦未可定將軍參贊理宜和衷共濟方可以任事圖功今若以五岱所叅之摺卽寄溫福閱看伊必轉滋疑惑是以五岱所奏夾片已經焚燬但溫福在軍營實在如何舉動阿桂雖係提督然是滿洲世僕且在軍機行走多年溫福所行之事五岱尚且奏及何以阿桂反不奏聞今五岱所奏彼此有何爭競其何以不睦之故著傳諭阿桂據實密奏看來二人在一處於軍務大爲無益不如派五岱隨在桂林隊內亦可將此一併密諭阿桂作速據實覆奏

初十日

公偕溫福奏言

臣

等查閱資哩礮寨石牆甚厚牆

上均有出鎗孔穴又於地下刨溝藏匿我兵攻撲

賊卽於孔穴內放鎗抵拒其寨北一箭之地有大

石卡一座刨有地溝可通寨內石卡之北連起五

座石卡而對面高峯突起處又有大石卡一座我

兵進攻賊卽於高峯大卡內向下放鎗援助

臣等

會商必須一面上攻高峯大卡一面下奪寨北之

卡掣其各處援助之力資哩賊寨始可望其攻克

臣等於本月二十四日子刻飭令巴圖魯侍衛佛

倫泰等領兵衝入寨北卡內合力攻斃將卡內二百餘賊殲殺四十餘名擒獲十二名奪取刀鎗等物無數其由地溝藏匿者窘迫跳出爲堵截之巴圖魯侍衛阿爾蘇納等盡數截殺隨卽進攻礪寨賊衆仍於牆內放鎗自早至午竟不能逼近且恐傷損多人是以暫令撤兵仍放火砲轟擊以次攻卡千總趙全柱陣亡其餘兵丁亦有陣亡受傷者

臣等查賊寨內貯糧尚多寨西牆下又有水泉我兵不能絕其飲汲是以死守抗禦其寨北對面山頂雖經侍衛烏什哈達奪回據守但山頂下峻險

之處賊衆早已佔據起造大卡一座又起小卡五座直接山下大卡且於空隙之處疊砌石牆以便藏身互相援救至我兵所佔山頂相距賊卡中隔一溝必須下溝復上始能攻取現在五岱帶兵四千有餘除據北山山脊之外餘俱攻擊高峯突起之卡_臣等又送五岱大礮以資轟打_臣處大礮亦準對高峯轟擊俟五岱攻克大卡_臣等卽督兵直攻礮卡務期必克至從前攻取之南山德壘角寨後又有大山一座山脊蜿蜒而下直出資哩寨後至鄂克什官寨前之阿喀木雅賊衆據此大山由

山梁以至阿喀木雅俱有石卡連接守禦若非取此大山則賊用高處下攻我圍困資哩之兵不能安穩且又塞我進兵之路臣等於二十五日派巴圖魯侍衛三達爾等帶兵八百名乘夜登陟奪佔山脊次日賊來衝奪我兵擲石放鎗擊斃賊人無數二十七日臣等又派兵一千名會同三達爾等佔住山脊之兵於二十八日卯時由山脊往下攻壓連克三卡殲賊甚多至第四卡地勢甚窄賊卡又築於隔溝高嶺之上現在設法攻剿若此山脊各卡全數克獲則我兵可以進攻阿喀木雅而資

哩亦必不支奏入

諭曰溫福阿桂等奏連日官兵攻勦殲賊甚多如我兵得
進阿喀木雅則資哩賊人勢難存聚等語籌畫甚是據
現所奏情形似無慮賊番自後掩襲惟當鼓勵官兵奮
勇前進但當此險要之地若惟促令官兵攻取轉致多
損兵丁于情事反無所益是當謀出萬全卽稍稽時日
亦無關係再所稱攻得阿喀木雅則資哩賊人卽難佔
據是阿喀木雅係南北兩山之要路得此卽可摧滅資
哩直攻美諾矣

二十二日

公奏言查溫福性本躁急今任征剿大事因不能
立即成功甚爲憂憤是以督率之處言語過嚴所
以侍衛將弁等雖屬畏懼並未致寒軍士之心其
待五岱亦無藐視形跡五岱雖久歷戰陣但不曉
大體性情猜防然辦理公務尚無挾嫌悞公之處
若伊等果致貽悞大事臣阿桂係身受

重恩何敢隱忍不行陳奏至五岱忽叅溫福特以其令烏
什哈達佔據山梁旣因兵少未能據守且陣亡之
副將色倫泰又係其帶往之人故思叅烏什哈達
不遵法令叅馬彪不發兵接應即可與彼無涉又

慮單名叅奏恐奉

旨查問所以爲先發制人之地至五岱叅奏烏什哈達馬
彪時並未送臣會銜臣亦以爲不應叅奏故未列

銜總之臣既未能迅速勦滅賊衆反致上厯

聖懷不勝惶恐奏入報

閱
二十四日

諭曰據溫福奏五岱在軍營種種乖張若仍令其領兵斷
然不可此旨到時阿桂卽代五岱領兵將五岱換至溫
福隊內如五岱之意以爲難攻地方派其攻勦亦未可

知今派阿桂統兵阿桂若能攻克其處五岱更有何說

二十八日

諭曰溫福奏底木達係澤旺所居從前原擬從曾頭溝一路直搗其地嗣因三雜谷不能挑派土兵而固原兵一千名尚不足資進剿因而中止今既添派貴州兵三千名若先攻底木達擒獲澤旺再赴資哩一帶軍營亦爲兩得如事屬可行必需諳習帶兵大員方爲有益今阿桂現往北山梁換五岱回營計貴州兵調到時色布騰巴勒珠爾早至軍營卽可往換阿桂前赴底木達統兵進剿

又

諭曰昨經降旨令阿桂前往五岱軍營代其帶兵行走阿桂務須帶領官兵盡心攻擊北山礮卡以圖迅破資哩

三月初七日

公偕溫福奏言臣等久圍資哩日夜督攻未能速

破所有北面山梁五岱現仍攻擊山巖突起之大石卡其南山官兵佔據特克裕爾山梁者直下河邊已繞過資哩西南兩面而猶不能斷其河北沿山之路查特克裕爾山之外從得爾蘇山根下至阿喀木雅前經酌派官兵往據山頂攻得礮卡因

第四石卡在山凹突起之處聚賊甚多屢次攻擊未能卽克是以令官兵仍在特克裕爾山駐劄相機另圖進取昨奉

諭旨以阿喀木雅爲南北兩山要路得此卽可勦殺資哩

賊衆進攻美諾_臣等再四籌酌阿喀木雅自應迅取而

得爾蘇山凹突起賊卡急切不能攻破自當覓道繞過方能得利探得從特克裕爾山旁下溝有小徑尚可攀援通至得爾蘇其半山有密箐一帶因派兵四百名令總兵牛天畀侍衛烏什哈達等帶領於二月二十二日乘夜前往箐林深處埋伏又

派兵二百名在箐林之外接應又分兵二百名往
上堵截賊卡接應之兵並令牛天昇等酌量先撥
兵數十名誘出阿喀木雅寨內賊衆是夜山上賊
人果見我兵人少出寨迎敵我兵隨卽走回賊人
尾隨而來一入箐林伏兵從旁殺出直壓而下殺
賊數十名餘俱竄入山下礮寨放鎗拒守其山巖
石卡賊衆望見官兵打仗自上救援分派堵截之
兵卽在山坡迎敵亦殺賊二三十名賊旋敗回入
卡值天黑夜雨官兵暫行撤回臣等思資哩寨礮
樓已均推毀賊人所恃惟在礮根石牆堅厚臣等

每晚令礮內裝放鉛子竟夜轟打使賊人不得乘
間脩補日來見石牆坍塌甚多似有可以衝越之
勢侍衛官兵亦因久攻未克憤奮願往因於二月
二十五日晚派兵六百名乘夜潛進又北山根有
大石卡二座各派兵四百名分路攻奪使賊不能
相救又令南山帶兵之叅將成德等沿山繞河埋
伏截殺阿喀木雅一帶前來接應之賊又知會北
山五岱處令其聞聲同時衝壓二十六日天色將
明官兵各隊並進而賊番先于寨外放卡一見官
兵衝到隨卽奔回官兵追殺數人將至賊寨之外

因有深溝不能迅越並有叢棘亂石橫豎塞斷賊
番總于寨內放鎗拒守其北山根兩大石卡俱與
礮寨及北山坡各卡聲勢相聯賊又繞卡掘有深壕
阻守其濠邊之賊亦被官兵用鎗擊斃而急切不
能越濠取卡其時資哩寨內及北山坡並山根石
卡內賊衆滾石放鎗官兵奮力相持直至巳刻臣
等恐多損官兵傳令暫撤其成德埋伏之兵相距
臣等稍遠當官兵進攻賊寨之時聞南山下亦施
放排鎗甚緊隨據探稱成德等帶兵相度賊番來
路藏伏山溝果見阿喀木雅之賊三百餘人前來

救援賊番惟防南山官兵衝擊不知山溝有兵突出奮力勦殺殺死四五十名餘賊奔回舊路再查派北山根上中下共有三路其坡上儘北之路賊人雖有石卡防護但逼近北山官兵不能行走其沿河儘南一路因逼近參將成德之兵賊亦難以往來惟中一路離河南官兵較遠未能截斷臣等前已令成德等每夜添撥弁兵過河巡邏遇有賊番偷越卽行擒殺務使其與資哩寨內信息不通自易於潰破奏入報

聞

初十日

公偕溫福奏言

臣等接奉

諭旨令用木架佔據高處放礮下擊賊礮使其無能藏匿
茲查得資哩礮寨在兩山之間近逼河沿臣等將
大礮向西安放轟打寨牆又設礮於左右山麓向
下轟擊其向西所放之礮高與寨牆相等而兩山
麓所設之礮較寨高逾數丈比之安放木架下打
尤爲得勢詢問俘獲賊番皆云寨中地刨深穴其
面橫以巨木木上又填以土土上用石鋪蓋數層
旁設洞穴以爲出入賊番日則藏匿穴中夜則偷

出脩葺凡有日間轟損之處俱係夜間補綴若見我軍有攻寨形勢其藏匿穴中之賊皆出而潛伏牆根由牆孔中放鎗抵拒臣等恐致多損官兵不得不暫爲撤退故雖數次進攻未能克取此時臣等夜間更番施放大礮不令賊人有脩築之暇庶幾坍塌處多易於攻取再我軍佔南山者由山梁排列山麓寨之西南兩面盡皆圍守已截斷賊番來援之路且接築數卡直至北山下相近河沿之處惟北山高峻坡上共有三路其中間一路賊番或因巖穴洞或築卡相連佔得地勢一時尚不能

斷其來路今五岱令章京巴彥泰帶兵自上而下築卡以斷其中路若此三路皆斷資哩寨落之賊必不能存再兩路山形高大其間峯嶺層次接連過一澗又有一澗其澗皆豁陡削樹木極爲叢雜若不據其要害賊從幽僻小路偷過我軍之後佔據高阜反致爲其所擾今北山五岱官兵旣攻擊資哩北面山巖突起之大卡馬彪與各侍衛章京分領二三百兵至千餘兵各據要害迤邐共有四五十里其南山牛天界與各侍衛章京領兵由山梁下至山麓各據要處亦迤邐排列共有三四

十里至臣等中路圍寨之兵晝夜施放鎗礮轟擊
礮寨或誘賊出擊或埋伏捉生稍有機宜卽便力
戰但每日止能殺賊數名不能多爲勦戮此時非
獨臣等坐守兩月之久甚爲悒鬱卽官兵咸深憤
恨求請舍命奪寨者甚多臣等將此次所降不可
撲礮

恩旨明切曉諭官兵雖不敢遽行前往亦斷不致或生怠
惰臣等將奮勉官兵內應陞者陞用應賞者獎賞
間有退縮亦重治數人以示炯戒惟視機有可乘
卽時進兵攻取以期前進奏入報

聞

十八日

公奏言臣接奉

諭旨赴北山代五岱領兵將五岱換往溫福大營臣於本月初四日到北山查看形勢緣北山險峻處所賊番本有三路往還救應今南山官兵圍至山下河沿此處賊已不敢出來至賊番所據北山山巖突起之大石礮其下官兵結卡七座此路賊番亦不能通惟中一路在山礮之下賊番築卡穴洞抵死拒守尚未截斷至山巖突起處之賊礮前五岱將

大礮安於山巖之北每日向下推打今礮石俱已
摧燬擊死賊番無數而礮石摧殘之後又掘地爲
穴并刨深溝於窟內仍然拒守蓋緣賊礮在石包
之前山峯之上左右俱係懸崖而中間山梁又甚
險狹不能多兵同上是以五岱八次攻取七次受
傷若必督兵攻取官兵心懷猶豫於事無益現今
熟察形勢誠如

硃筆所指之處官兵所結第七卡以下再立數卡直至山
下河沿與對河官兵合圍可以直斷賊人中路但
賊見我軍向下合圍立卡自必捨命力抗不容脩

立必須一面派兵立卡一面截殺礮下前來接應之賊方能有濟查五岱所帶之兵現存三千四百有餘馬彪帶兵一千據色布色爾大山之頂甚關緊要其次章靄等帶兵九百名據薩嘉山頂亦屬要隘至臣現在審其形勢凡有防禦衝擊地方及看守接運糧餉鉛藥之路駐兵數百名其餘攻勦官兵僅數百名尚覺不敷分派然斷無坐候添兵之理現在數日內各處卡隘趕緊修固將防守之兵酌量抽出再於溫福營內調兵三百名合力攻取務將資哩後路一概斷絕以期必克奏入

諭曰溫福等攻勦南北山梁情形並將原發圖樣粘簽覆
奏圖內稱阿桂在北山駐兵已築石卡七處自上達下
直壓中路與硃筆標識之道相合所據既已得勢自可
斷絕賊人由西至東之路但邀截固屬緊要仍當分兵
攻勦資哩西北一帶賊碉抄截資哩之後使山巖大石
卡之賊不能接應方爲扼要再資哩之東官兵現在安
營設礮或從該處分兵攻打資哩北面之碉並斷賊番
從北山上來之路官兵兩路夾攻北面碉內之賊自不
能支此碉一得則賊番必不能復爲援應資哩卽當立
破設或賊番下山正可乘勢掩殺自屬制勝要機今於

圖內復用硃筆圈識著發交溫福阿桂按硃批指示之處酌量情形相機妥辦

公偕溫福又奏言臣等查賊匪在在據險死守非分路夾攻不能得濟逆酋之父澤旺所居底木達地方係在美諾之北與金川接壤如能分兵直搗底木達先擒澤旺並斷美諾之接應於全局實爲有益是以從前臣等擬派固原兵一千名同三雜谷土兵三千名由曾頭溝進剿嗣因三雜谷不能派兵固原兵亦卽改赴西路軍營令維州協副將五福帶兵數百名在彼駐扎茲奉

諭旨令

臣

阿桂俟新調之貴州兵三千名到川卽統領直

勦底木達

臣

等自當欽遵辦理惟查貴州兵由成

都至汶川出口經過瓦寺鄂克什各土境抵營後

方可覓路前往底木達地方前此擬於曾頭溝由

三雜谷進兵者原因固原兵從松潘入川故欲就

近撥往今黔兵經由之路與曾頭溝相去遼遠三

雜谷既不派兵更無須遶從該處行走現在

臣等

駐兵之處其迤北之別斯滿等處皆有路可通底

木達因兵力不敷未能分勦

臣

等愚見應令黔兵

迅赴西路軍營俟其到日審度官兵已攻抵何處

再行酌量道路臣阿桂統兵分進總之兵力既充
臣等自可隨時酌辦斷不敢稍悞機宜至蒙

恩調撥之甘涼兵一千名查此項兵丁現據報稱涼州兵
五百名分駐覺教地方甘州兵五百名分駐打箭
爐若令其由省城來赴西路固屬紆迴多稽時日
卽由雅州木坪前來亦須二十餘日所過地方又
多一番料理似應飭新調黔兵兼程前進西路軍
營至桂林處分辦草布什咱正在需兵臣等是以
行知提督汪騰龍令將甘涼兵一千名仍留南路
再臣等前次奏懇加調綠營兵數千名並奉

旨准調陝甘兵三千名並

敕該提督等預備起程臣等業已恭錄

諭旨咨明文綬等令於官兵料理齊備時卽行起程赴川

奏入報

聞

二十日

公偕溫福奏言竊臣阿桂前赴北山卽擬順坡接

築石卡斷賊後路與南山官兵合圍詎賊番狡惡

異常惟恐官兵壓至北山坡中路本月初八日乘

夜大雪於官兵相度拏卡之處先行捨築二卡臣

阿桂以此地最關緊要若任賊人佔住斷不能往
下築卡因卽於初九日五岱隨同臣阿桂派撥官
兵令巴圖魯侍衛額森特帶領兵練一百名於賊
番所築石卡之上截殺阿喀木雅等處接應之賊
又令巴圖魯侍衛烏什哈達帶兵二百名攻取西
邊大石卡又令千總陳大剛帶兵一百五十名攻
取賊番東邊石卡又令

乾清門侍衛彭霽巴圖魯章京福音保帶兵分布於
薩嘉山峯之橫嶺以擊斷後山各處接應之賊屆
時東邊卡內賊番見官兵不避卡石撲攻勢猛出

卡欲逃官兵趕上殺死甚多其西邊大石卡聚賊百餘名放鎗甚緊該處地勢更險官兵不能直衝而入烏什哈達等將原帶之兵及已克東卡之兵合力進攻自己刻至未刻官兵直抵卡前放鎗拋石並跳入卡內奮力砍殺賊番棄卡逃竄者又經官兵追殺當攻取此卡之際阿喀木雅各處聞聲來援之賊分爲兩隊前來其從北山下來者約二三百人爲額森特截殺賊番二次力衝官兵放鎗滾石殺至四五十名始行敗退其沿河傍南來者先經臣溫福令南山帶兵叅將成德巴圖魯侍衛

阿爾蘇納章京不亨保等預爲堵截施放鎗礮擊斃多人賊衆旋行退去又後山各處來援之賊約二百餘均經彰靄福音保等帶兵擊退亦殺賊數名帶傷者頗衆此次各處官兵無不奮勇出力

臣

阿桂卽令攻得賊卡地方及附近可以往來之處一面派兵防守一面連夜搬運木石於初十日黎明臣阿桂督勵官兵上緊趕築石卡至晚於前築七卡之下接築六座直至坡礮已將賊人來路截斷是夜風雪甚大臣等隨令南北兩山及各處帶兵將領加倍嚴防至五更北山賊卡及資哩之賊

露有奔逃光景

臣

阿桂卽從北山梁帶同侍衛烏

什哈達額森特章京巴彥泰佛進泰及副將富紳

等率兵衝殺直下

臣

溫福令

乾清門侍衛賡音素巴圖魯翹蘇爾海祿新達蘇佛

倫泰巴圖魯章京官達色侍衛明仁帶兵分頭儘

力追殺賊人泅水而逃又經南北兩山官兵層層

抄殺其淹斃在河者爲數亦多餘賊俱竄入阿喀

木雅一帶礮卡內合力死守

臣

等當將資哩礮寨

佔據隨卽移營至阿喀木雅寨外高處安設大礮

對寨轟打其資哩舊營盤內因有糧食軍火等項

不可不加意防守留兵五百名令董天弼帶領駐扎_臣等再查阿喀木雅寨在德爾蘇山根高礮之上內外礮卡甚多其南山德爾蘇自上至下及北山美美卡一帶賊人礮層列俱與阿喀木雅聲勢相接_臣等查看情形南北兩山官兵雖經露處兩月有餘不無疲乏然以地勢賊情而論現在仍須兩翼並進官兵斷不能撤回至阿喀木雅礮卡既堅或當覓取道路繞至鄂克什舊寨及木蘭壩之處_臣等現在悉心籌畫上緊督辦奏入

諭曰溫福阿桂調度有方將領等亦能奮勉出力從此軍

聲益振自可乘勝迅擣賊巢速擒逆豎深爲嘉予溫福
阿桂及在事之侍衛將弁等均著交部議敘

又

命賞阿桂小荷包三個

三十日

公偕溫福色布騰巴勒珠爾豐昇額奏言臣等接
奉

上諭以賊番屢次潛圖劫營是其長技今校磨土婦卓爾
瑪差喇嘛密告金川幫兵要劫西路營盤尤不可不加
意嚴防竊臣溫福現於阿喀木雅之西德爾蘇山下扎

營此處溝身繞曲山勢更爲陡險臣等自攻破阿喀木雅後卽添總兵牛天昇

乾清門侍衛賡音素同巴圖魯侍衛章京將弁等將自德爾蘇山頂下至河邊全行佔據直接北山之麓其德爾蘇山外又有一高山名喇卜楚克賊人現據山梁由山頂至山下之木蘭壩卡柵層層排列臣溫福現在督兵攻擊其北山自會爾瑪山梁下至美美卡賊人碉卡尤爲堅險臣阿桂於攻取阿喀木雅之後現在移營會爾瑪山梁進攻距賊寨不及一里察看會爾瑪寨碉房雖多先經坍毀

賊番新爲黏補尚不難於攻取且其地亦無關緊要惟近西之美美卡在山嶺之上兩面山壁陡削中間僅有一綫仄徑從山脊蜿蜒而下其嶺上大礮既堅而仄路中凡有峯巒突起之處賊人皆修建礮卡層層林立抵死拒守雖有小徑然直逼山根賊人滾石放鎗官兵萬難越過現在一面安礮摧擊曾爾瑪寨一面派令官兵速築石卡漸逼美美卡或截斷迤北山溝中別斯滿甲爾多等處賊人救援之路或斷其附近水卡方可得手臣等察看此間形勢北山之美美卡南山之木蘭壩均爲

進兵扼要之地不論攻得一處即可統兵前抵鄂克什舊官寨現在督勵官兵加緊籌辦以期迅速攻進惟是賊人狡惡異常誠如

聖諭以偷劫營盤抄截後路爲慣技臣等自攻過阿喀木

雅逆料賊番或乘我兵甫移營壘潛來侵犯嚴飭各將領加緊防範十五日夜北山果有賊番分爲兩路來擾官兵駐卡地方均經官兵知覺放鎗擊殺賊退至屯練看守兩卡復二次直撲卡前又經土外委那木喀塔爾帶領屯兵殺退十六日子刻賊分三路從河灘來擾南山官兵直至營外經侍

衛賡音素等帶兵勦擊傷斃者約數十名臣等此時惟有盡力攻勦加意嚴防如遇有賊偷營正可大加懲創鬼蜮伎倆自不敢復施至大兵後路除自達木巴宗以東各處先經酌留官兵令總兵和邦額帶領駐扎今臣等又經深入所有資哩舊營復派董天弼帶兵在彼防守臣等進勦於一路之中已分三路賊匪處處支拒又須防我兵之由別路分進者小醜力量似不能繞出曾頭溝一路以絕糧運臣等防範後路雖不能有多兵分駐然卽現在所留之兵相其要隘分地布置自可不致疎

虞奏入報

聞

四月初四日

公借溫福色布騰巴爾珠爾豐昇額奏言據探路
人回稱喇卜楚克山頂積雪雖大其下有小路可
以攀附而上若官兵乘夜繞過大山從此上登壓
下將山坳內賊礮攻取又從此旁山前進立卡直
壓木關壩寨落方爲得勢臣等預派兵將並備築
卡木石別派官兵一隊統往攻壓親帶官兵於山
旁險處壓取木關壩至臣阿桂在北山一面施放

大礮將會爾瑪水礮轟擊一面從別斯滿等處截斷賊人接應之路分派官兵向下接連築卡今水礮已漸摧墮我兵立卡處所距賊礮僅隔一箭之地別斯滿賊人已難接應由此順坡而下再立數卡截斷賊人援路奪取水礮則美美卡之賊其勢愈爲窮蹙即可相機奪取若果得手並可乘勢進攻舊鄂克什官寨但賊人尚恃其山高勢險林濠深密堅築卡礮抵死拒守臣等惟有同心併力以圖早蒞其事奏入報

聞

十五日

公偕溫福色布騰巴爾珠爾豐昇額奏言喇卜楚克之山麓迤邐而下直抵河沿必須全行攻取始可進逼木蘭壩臣等公同商酌於三月二十九日令侍衛阿爾蘇納寧珠布叅將成德等帶兵自阿喀木雅前進沿山奪卡數處至亥刻賊來衝突卽被我兵擊敗是日又令總兵牛天昇及侍衛佛倫泰等帶兵由德爾蘇遶上喇卜楚克山頂忽林箐中突出賊番二三百名來斷官兵上衝之路官兵放鎗急擊斃賊甚多因賊番於山頂連結大卡數

座地勢甚險卡座亦堅且兩旁別無道路未能攻
克再北山之魯爾瑪寨與美美卡相連中間賊番
連設四礮必須奪據乃可絕賊人救援之路臣阿
桂處亦於二十九日派額森特帶領黔兵向下奪
取又派烏什喀達巴三泰等帶同土練往卡北預
爲埋伏額森特於黎明時乘其不意將四礮全行
奪取賊衆潰逃正過卡北伏兵齊起截殺所殲甚
多臣阿桂隨卽立七卡以斷賊人救援來路是夜
賊人兩次來奪末後二卡俱爲我兵擊敗至四月初
一日子刻復又捨死來衝臣阿桂恐有疎失卽派

額森特烏什哈達帶兵接應賊旋逸去是日臣阿桂又派馬彪額森特伏兵東崖之下攻奪水礮別派勇銳官兵於水礮南北預爲埋伏以絕賊人來援隨率衆攻破礮門一鼓而進戮賊亦多其南北兩路來救賊番均被伏兵截殺初二日乘勝併奪會爾瑪寨現運大礮逼近美美卡轟摧乘機攻取奏入

諭曰溫福等奏南北兩山打仗情形看來阿桂處殺賊甚多所辦甚屬奮勉

二十五日

公偕溫福色布騰巴爾珠爾豐昇額奏言臣等現
在攻取喇卜楚克林箐中均有隱匿賊番臣等每
日放鎗打散惟山頂賊礮甚多兩邊並無路徑現
今一面進攻一面拏卡必將兩山礮卡全數克獲
方可進攻木蘭壩若專攻南山反致遲延月日臣
等欲將南山之兵仍舊攻擊至北山咱贊色爾渠
東瑪等處宜先取之以斷別斯滿來援之路使賊
不能駐守今自奪獲魯爾瑪水卡以來臣阿桂將
大礮移擊美美卡但寨東有大石礮一座迤北與
咱贊色爾渠東瑪喇嘛寺甲爾多等寨連接賊番

據守甚嚴各寨互相接應必一時並進方能得利
現在所有官兵一千二三百名不敷分撥因於南
山撤來貴州兵一千五百名內派出九百名四月
十三日臣色布騰巴爾珠爾豐昇額帶領同上北
山臣溫福亦於十四日前往臣阿桂分兵各路同
時攻擊其侍衛彰靄等領兵一千二百名攻取美
美卡惟因礮牆堅厚未能即破而西寨賊番之來
救者官兵奮擊殺死二十餘人又侍衛德赫布等
領兵一千五百名攻取喇嘛寺東瑪等寨有賊二
百餘人與喇嘛寺賊五十餘人兩處迎戰均被官

兵擊敗共殺賊十餘人又巴圖魯侍衛佛倫泰等領兵五百名攻取咱贊等處自上壓下賊衆不敢支拒分頭奔竄遂將山溝內大小九寨盡行奪取至溝中甲爾多寨較之別寨更堅地勢尤險侍衛巴三泰等領兵五百名先據賊番取水之路及侍衛佛倫泰等已奪溝東諸寨遂與巴彥泰會合進攻賊番見官兵勢盛驚惶潰亂各從礮內放火奔竄當將甲爾多佔據我兵一日一夜未經休息暫行撤回十五日又督兵攻擊喇嘛寺東瑪色爾渠等處有賊百餘從別斯滿山梁來犯侍衛額森特等

伏兵殺敗今臣等現在遣人探覓路徑擬卽由美
美卡對面山梁直取鄂克什舊寨奏入

諭曰現在兵力甚強賊番若在礪卡藏匿或尚難於痛殲
今西寨賊衆直前救援僅斃二十餘人北山二百餘賊
前來僅斃十餘且敗走賊番皆由礪卡而出何以竟不追
趕剿殺若以綠營兵不甚得力則軍營現有滿洲兵二
百名又有巴圖魯侍衛章京皆何爲者總之辦理賊番
愈速愈妙卽山險路窄抵死固守亦應鼓舞官兵別尋
路徑設計辦理

五月初七日

諭曰阿爾泰等奏桂林在軍營乖張捏飾各情形實出意想之外已派福隆安馳驛前往查審並諭阿桂迅往南路辦理進兵之事矣福隆安未到之前仍令桂林辦理阿桂不可豫有洩漏

又

諭曰現在進剿機宜甚關緊要溫福一路阿桂之外尚有豐昇額爲參贊著傳諭阿桂速赴南路統兵若阿桂先到成都卽在彼候福隆安到時同往若福隆安已過成都阿桂速赴軍營毋稍刻緩

初八日

諭曰溫福等奏聞得南路大兵由西山進兵欲截小金川
甲爾木後路不意金川之兵潛從後路抄出將官兵截
在中間圍困七日傷壞甚多其數目傳說不一等語是
桂林派往西山進攻之兵傷損甚多桂林竟爾隱諱不
奏實爲可駭桂林之罪已爲不小福隆安審實後即可
按律從重治罪將桂林拏問交阿爾泰嚴加看守進兵
之事卽交阿桂專辦

十二日

諭曰南路帶兵進剿之事昨已令阿桂星馳赴彼接辦到
時卽行統率官兵實心妥辦剋期集事

恭錄

御製詩

自慙

夜不安眠晝問頻畫籌軍務每勞神自慙息事安民念却

類窮兵黷武人

小金川逆酋格桑於庚寅夏即與鄂克什土司構怨稱兵總督阿爾泰提督董天

弼親往誠諭逆酋即遵教退兵比奏至除以番蠻互相仇殺習俗使然既知悔罪息爭亦遂釋而不問迨阿爾泰甫

回未數月逆酋復於去年夏乘金川與革布什咱構繫仍圍鄂克什且與金川索諾木潛相勾結狼狽爲奸並敢築

礮抗拒罪難更道而阿爾泰等尚思遷就完事屢加督飭阿爾泰等猶遲疑觀望雖稍進兵未得要領知其不足恃

因諭溫福自滇赴川專司攻剿西路且命桂林前往南路經理後見其措置合宜遂罷阿爾泰命桂林代爲總督此

去歲十一月事也小金川之役朕初意實不欲煩師旅今則兩酋同惡索諾木敢於助賊抗顏不得不得爲聲討未

嘗不悔前此之失於姑息致三年尚未已三年養狡寇
藏功茲實勢難中止金非好爲黷武也
奈逢兩路誤庸臣巴期拉直取達圍進攻資哩數月而克
之可望乘勝采入乃因參贊五岱密許溫福察其必係有
過懼劾先發制人及命溫福查覆果列五岱罪狀以奏卽
命色布騰巴爾珠爾代爲參贊大臣並同豐昇額往鞫其
事色布騰巴爾珠爾甫抵軍營卽偏初五岱輕信其言擣
搯溫福細故入告朕鑑溫福之小過宜宥而其事必司員
明德愆惡所致因逮五岱明德訊究並治色布騰巴爾珠
爾之罪而溫福已爲所誤月餘不能進剿矣至於桂林在
南路其始調度深合機宜連破約咱卡了諸寨將自達烏
抵僧格宗并令宋元俊收復革布什咱侵地方冀可成席
卷之勢不意桂林器小易盈惟事安居酣飲不恤士卒及
派將領問道攻取北山梁兩次告急桂林玩不赴援又不
夾擊策應致將卒等傷及二三千人桂林匿不上聞自此
遂一籌莫展月餘不復進兵經阿爾泰等劾奏特命福隆
安往訊若實當重治其罪而令阿桂代彼統兵督篆則仍
授阿爾泰是兩路俱垂成均以事端岐阻延誤月餘實
爲憤懣今溫福一路漸有起色惟冀阿桂至南路振作一

新彼此速奏捷音耳庸臣過卽予之過易置佇聞報捷臻

二十二日

公偕溫福豐昇額奏言臣等查南路軍營於四月

初間連日雨雪實因番地氣候寒多暖少臣等自

過巴朗拉而抵資哩時屆春初每日有疾風暴雨

倏來倏止卽疑小金川地方素習紅教必係鯨吞

所爲臣等思僧格桑罪惡貫盈神人共憤

天朝師出有名邪術豈能勝正第今已交夏令而北山營

盤連日雷電大作繼以大雪積至盈尺雖無甚妨

碍而道路泥濘行走不便夜間守卡之兵不無少

累自應破其邪術方於軍營有益茲蒙

皇上厯念戎行派令三濟扎卜薩哈爾索丕二人分往西
南兩路軍營備用伊等素有法術自能著效且

天心助順邪沴自消臣等惟有仰仗

天威以冀剋期平定奏入

諭曰番地雖與雪山相近然四五月間尚有大雪其爲
答無疑此等邪術不過欲使人怖畏人若見而生怯則
其術愈逞惟能處以鎮定視之淡然其技窮而法亦不
靈所謂見怪不怪其怪自敗也溫福阿桂當曉諭營中
將士等共知此意至連陰積雨官兵等單帳棲身亦不

可不加體卹若見伊等實有疲困情形不妨酌加賞賚
或值伊等匱乏之時口糧等項并不妨暫從優給以此
鼓勵衆心俾知歡欣鼓舞於軍務亦爲有益果能撫卹
士衆爲國宣勞朕從不稍存靳惜况軍需備項已撥至
六百萬兩支給亦無慮不敷溫福等斷不可爲慎重錢
糧起見惟知按例不知體朕惠愛士卒之深心也至兩
路抗拒之賊金川幫助者居多每恃刦營爲長技幸而
官兵善備屢經奮勇殺退但恐賊伺我軍畧懈故智輒
萌若當久雨之時更當嚴加防範而火藥一項尤屬要
需溫福阿桂務當預飭將弁畱心防護以期有備無患

二十七

公偕溫福豐昇額奏言臣等西路軍營蒙

皇上加添兵力隨時抵補若須夾攻並進兵力似猶未敷
分撥至南路軍營約畧新舊調兵較多但自去秋
至今傷疲者實已不少是南路亦不可無兵接濟
今仰荷

聖明洞鑒復令預備五千名以爲兩路之用臣等通盤籌
畫陝甘兵現在抵川之三千名已赴南路其初報
起程之三千名定赴西路所有此次預備之五千
名臣等已遵

旨行文調用然計其起程入川尚需時日臣等現在晝夜
籌辦極力設法攻剿倘彼時能深入賊巢剋期會
合則此項兵丁又當併剿金川另行確籌分撥如
陝甘兵將次抵川而西路猶未會合臣等當酌量
兩路需用商定數目飛飭帶兵官弁分路進發於
攻剿事宜自更得力奏入

諭曰阿桂甫自西路調往南路所有西路兵力情形皆得
深知更可與溫福通盤籌畫每路需兵若干卽行檄知
陝甘帶兵之員分路趨赴自尤妥速至統計前後所調
之陝甘兵已一萬七千名貴州兵八千名合之川省所

有兵練不下六七萬餘兵力不爲不厚此時攻剿小金川已足敷用但將來進剿金川分路派撥自屬多多益善現已諭文綬再行預備陝甘兵五千名聽候調取至西路軍營現調哈國興迅往隨同領隊而南路軍營令宋元俊分往綽斯甲布後更無熟練之人昨派往之副都統永平雖爲可信但初至川省於該處賊情地勢未必卽能明曉著福隆安同阿桂於綠營副將叅遊內或於派往之侍衛等官內選擇諳悉風土形勢量其是否堪勝領隊之任通行選派數員奏交阿桂酌量派用

公又偕豐昇額奏言查東瑪色爾渠喇嘛寺三寨

俱在美美卡別斯滿之間賊衆據險死守官兵攻
擊三次將大礮下所有卡房逐一攻克而賊番乘
夜復將已壞礮卡脩補堅固今臣等將從前所建
木柵石卡兩邊又連立柵卡數處從此三面夾攻
則喇嘛寺色爾渠斷不能久守我兵直至溝底斷
其北邊別斯滿等處來路一直攻取美美寨似不
費力五月十二日臣豐昇額至北山與臣阿桂鼓
勵官兵冒雨搬運木石陸續前進安扎柵卡距賊
寨止十餘丈是以濠卡內露身放鎗及往來行走
之賊俱能擊殺若再扎二三柵卡移設大礮施放

則賊番自不能存駐但現在非雨卽霧地皆溽滑
大礮難於鑄造因令燒炭備用烘乾地段卽便趕
鑄礮位奮力進攻奏入

諭曰勉爲之諒今已得東瑪矣

公又奏言臣思桂林係總理南路官兵現當進攻

緊要之際諸事不容刻緩而此地北山礮卡逼近
賊礮且又已派撥川黔兵一千二百餘名往赴南山
添助副都統富勒渾總兵李煦等繞路攻壓就現
在所有兵力仍於東瑪兩旁往下接築木石各卡
以斷賊人來路均於數日內卽可攻克亦均關緊

要臣仰蒙

恩命趕赴南路領兵謹將現在事機并侍衛章京將弁之
能否攻取之先後逐一告知豐昇額俾其悉心經
理臣於十八日起程計自阿喀木雅共二十四站
星夜趕上福隆安同赴南路臣蒙

皇上委任隆恩惟有體察軍心振興士氣總期掃穴擒渠
殲除醜類以抒積憤而靖邊隅奏入

上是之

六月初一日

公奏言臣奉

旨馳赴南路統兵進剿業于五月十八日起程二十三日
過省惟是南路事宜若俟臣抵營商辦未免稍稽
時日現已飛行宋元俊將漢土官兵現有若干火
藥鉛丸備貯若干金器械是否足數配執之處星
速寄知以便克期籌畫臣一到時即可督勵官兵

進剿現蒙

皇上以兩路軍營尚須厚集兵力復賞給陝甘兵五千名
其南路應需若干之處亦容臣抵營後悉心審度
具奏奏入報

聞

公又奏言查三雜谷土司境地在小金川東北其
會頭溝一帶爲底木達布朗郭宗後戶若從此路
進兵不獨可分賊勢且使其首尾不能相顧於攻
剿全局殊爲有益是以去冬將軍溫福擬調三雜
谷土兵令總兵書明阿督同進剿嗣因該土司等
具稟求免派兵而止近蒙

皇上仍准其下壩傭工自必心生感激該土司於四月內
遣頭人來營請安送禮臣與溫福等卻其物件諭
以此次大臣進討小金川務在擒渠掃穴不滅不
休斷不肯遷就中止

天朝兵力原不藉爾等土兵協助但爾三雜谷素稱恭順

土司當自行酌量頭人惶愧叩頭據稱俟伊土司

議定再來回話而去茲於五月十九日游擊沈寬

守備袁敏稟稱三雜谷土司願領兵二千五百名

從會頭溝一路進攻等語宋元俊亦經稟到

臣思

前此西路軍營拏獲賊番訊係底木達布朗郭宗

之人爲多審度賊情必以三雜谷土司久爲伊所

挾制後路可以無虞而別斯滿一路礮卡林立度

大兵未必遽能深入是以於此多派賊番分頭抗

拒若令三雜谷土兵從該處進剿自爲得力但該

游擊等稟內有必須添派漢兵協助其帶領漢土官兵亦須大員之語查土兵原無紀律自須漢兵彈壓督率方可得用至統領漢土官兵不但必須大員並須熟悉情形之人措置始能妥協臣現已馳赴南路三雜谷地方距西路軍營爲近業已行知溫福豐昇額囑其審度事機就近調度庶爲捷便再緯斯甲布土司境地在金川之西雖屬逆酋親戚而前因金川指使從噶克侵取該土司噶爾瑪木魯宗地方復自佔甲爾壘壩是以久成仇隙臣於正月間訪聞此事卽思甲爾壘壩係革布什

咱與金川毗連要隘若綽斯甲布能據其地則革
布什咱亦易於收復因該處近於南路當卽札致
桂林囑其密辦嗣桂林亦先有所聞已檄令該土
司發兵往佔今據宋元俊稱綽斯甲布土司告請
攻勦金川隨派都司李天佑領兵五百名先往益
諭以隨後大兵續到等語查小金川現在竭力死
守總由於金川爲之黨援綽斯甲布地大人多若
發兵攻勦金川賊酋更必撤兵自衛於進勦小金
川旣爲有益且三雜谷暨綽斯甲布旣思自効此
外各土司亦必請發兵助順金川形勢旣孤於接

辦之局不爲無裨其綽斯甲布發兵爲數若干及李天佑帶兵五百名前往是否足資督守該鎮均未詳悉聲明現復行令逐一具覆以憑酌奏入諭曰據奏三雜谷暨綽斯甲布皆願出兵助剿金川現在查明籌辦等語所見甚是前已有旨令由曾頭溝一路督率三雜谷土司直取底木達布朗郭宗擒拏澤旺及逆酋之妻以斷小金川後路並諭令宋元俊同侍衛等統兵赴綽斯甲布率領該土司兵練直剿金川以掣賊酋之勢阿桂尚未接奉前旨而所奏適與朕合但曾頭溝一路因調哈國興赴川令其順道帶兵並令董天弼

同辦今思哈國興自滇入川尚需時日現在三雜谷既
願出兵効力機宜不容刻緩著專派董天弼往彼統兵
至宋元俊前往綽斯甲布之處阿桂到軍營後卽與福
隆安阿爾泰會同商酌揀派侍衛章京益酌選兵丁若
干令其迅速帶往妥辦庶幾出其不意成功尤速

二十日

公奏言

臣

於六月初四日至卡丫軍營留心察看

形勢甲木以內山險路狹而礮座甚多自卡丫至
格宗沿河兩面山腳重疊交錯路尤險阻而格宗
三口以上賊人於兩邊山腿堅造柵卡攔路從前

桂林等衝擊此處已經失利今必由別路方可得
進詢之宋元俊據稱兩邊皆有山路可以遶越但
必各派兵數千從兩山分遠而進方可望抵僧克
宗且卡丫西邊山外既係金川地方東邊山外汗
牛地方亦有賊人守卡今欲遶進則東西兩山各
要隘口均須分兵防禦賊人衝截現在兵數除分
駐革布什咱綽斯甲布索布大寨等處外存兵祇
七千數百名其新調之陝甘兵三千雖已過打箭
爐但因甲木楚河橋梁毀壞不能徑渡今到營者
不過一千五百名卽全數到營合之現有之兵亦

祇一萬一千自邊谷至格宗三十里中所有墨壘
泥壘達烏等處均須連營分守而兩邊山路險要
處又須逐一佔據則現有戰兵實難抽出以供分
路進攻之用若兵數過少遠進又爲無益等語臣
思宋元俊之言似欲計出萬全但軍營官兵僅有
此數此外別無抽撥卽使請

旨再從別處添調官兵而路程寫遠亦無靜俟來兵始行
攻勦之理查南路軍營自墨壘溝之役傷損過多
不能整肅而米石亦未充裕臣到此悉心籌計尚
無頭緒竟不能於日內進攻甚爲憂悶現在整頓

官兵詳察形勢相度機宜力圖進剿斷不敢稍事
遲延奏入

上是之

公又奏言查川省地方自雅州以南處處崇山峻
嶺一切輓運軍糈及應付差務臺站夫馬經理尤
關緊要臣經過各處畱心察看所有臺站馬不過
數匹稍足供馳送文報之用此外率多疲乏而揆
之額設數目亦不能全臣輕騎減從沿途應付已
不免於遲滯及抵打箭爐例應支領長馬出口臣
酌減過半尚因所撥馬匹未到守候一日有餘始

得馬數匹僉僱覓商販驛頭以資前往如此積疲
設遇要緊差務必至貽悞至於輓運兵米全在人
夫現在南路商運自省抵營計程三十餘站一路
鋪店無多食物昂貴雖經照例給值而運夫艱於
買食裹足不前是以地方官長運既難商運亦少
惟賴各站滾運以資接濟今每站人夫率多逃亡
每日所運不過一百餘石雖阿爾泰設法催趨而
運到軍營只有數日之糧各站並無存貯不惟將
來加添兵眾及裹帶進發匱乏堪虞卽今官兵日
食亦未有源源接濟之策從來州縣辦理軍營閱

日稍多卽不免於因循怠惰現當進勦緊要之時
必須大加振作俾各知上緊籌辦庶不致稍有玩
悞奏入

諭曰軍營糧餉最關緊要設有不繼貽誤非輕文綬向在
西陲辦糧頗爲熟練著卽調補四川總督文綬接到此
旨卽著馳驛前往章谷一帶往來董察實力籌畫將官
兵應需糧石上緊運赴軍營俾得寬餘接濟其沿途臺
站情形並據阿桂奏稱現在馬匹短少遇事疲玩亦著
文綬悉心經理務期妥速

二十九日

臣等自抵軍營查閱南路情形自約咱以

至達烏六七十里間山勢均極險峻礮卡更爲稠

密前此官兵等力能攻取實非不可用之兵卽至

果洲山後失事之初官兵與金川賊番當面對敵
殲戮五六百名獲取牛羊二百餘頭前以綠營兵
丁所言尚不足信近有脫出侍衛額林魯爾跟役
回人鄂特則爾言亦無異自非虛誑惟是挫失以
來兵力不無消沮臣未到之先聞夜間營中時有
驚擾之事臣每諭以賊衆不過恃其地險專心死
守至於接仗原非官兵敵手卽如前此果洲山後

初與金川打仗被我兵殲殺數百惟官兵因見距
僧格宗不遠過於輕銳深入被賊截斷後路以致
多有墜崖落水者並非賊番勇銳此皆爾等所知
何足爲慮現已續調各省勁旅前來惟當努力齊
心奮勇殺賊以報將士之讎屢次曉諭官兵頗多
醒悟且南路官兵經月未經接仗而我

皇上軫念戎行一體賞給錢糧其疲困匱乏者今又隨時
賞賚官兵感激

皇仁人人思奮已漸有起色惟是此間帶兵之提鎮等絕
無諳練之員軍興以來承辦諸事惟宋元俊一人

而該鎮不過在川年久熟悉番情調遣土兵爲土
司所信至於行兵接仗亦未經閱歷是以紛若亂
絲一時不能得其頭緒卽如歷來以原營將弁管
領別省兵丁而兵丁亦各營雜湊以致什伍不能
相習且經輾轉調撥本營之官遂有不知本屬兵
丁去向者是以稽查兵數一時難以清釐遇有陣
亡事過急切亦無確數卽如各營所存火藥鉛丸
及有無缺短軍械臣到日卽行詳查迄今尚未有
實數現在嚴行指示加緊督催旬日之間亦可期
其清理至運糧一事係地方官專責臣惟當鼓勵

官兵奮勇進剿但現在卡丫一路無五日之糧不
但統兵進發裹糧有所不敷卽今河水漲發人夫
短少一日運到之糧尚恐不足一日支發之用臣
察看情形恐致貽悞亦向阿爾泰告知令其實心
籌畫上緊趕辦奏入

諭曰前因川省兩路軍營糧運緊要傳諭文綬令其速赴
新任董辦今阿桂奏現在南路軍營糧儲短少不可不
急爲妥辦文綬諒已起程在途再傳諭該督不必俟莅
任後始行籌辦以致緩不濟急一入川境卽將南路糧
運應如何急辦之處悉心熟計速爲轉運務使軍儲源

源接濟以資進剿